

REKISITONAN PA HASI PETISHON PA PERMIT PA KONSTRUKSHON

KASONAN KOMUN

DOKUMENTONAN KU MESTER ENTREGA NA SEKSHON BOUW- EN WONINGTOEZICHT DI ROP, PLASA HORACIO HOYER 19	EDIFISIO PRINSIPAL (NOBO)	EDIFISIO SEKUNDARIO, REMODELASHON, RENOBASHON, EKSPANSHON, REPARASHON I KAMBIO DI LUGÁ
Formulario pa hasi petishon	si	si
2 kopia di mapanan di konstrukshon ¹⁾	si	si
Plan di barío	si	si
Forskòt riba e "leges" ²⁾	si	si
"Meetbrief" òf ekstrakto kadastral	si	no
"Eigendomsakte", akta preliminar di kompra, akta di èrfpagt òf akuerdo di hür ³⁾	si	no

¹⁾ Mester entregá 2 kopia di e mapanan di konstrukshon si ta trata di un kas òf un konstrukshon den kurá di un kas eksistente. Den otro kasonan mester entregá 3 kopia di e mapa di konstrukshon.

En prinsipio tur mapa mester ta pintá riba un skal di 1:100 i mester indiká e siguiente fasetanan di e konstrukshon: mapa di partishon, fundeshi/ riolering, plan di dak, tur fachada i sekshonnan.

²⁾ "Leges" ta fihá a base di e balor di konstrukshon kalkulá. Por paga esaki solamente ku sèn efektivu òf chèk skirbí dor di un banko lokal. Pa informashon adelantá tokante di e altura di e "leges", e kliente por drenta den kontakto ku sekshon Bouw- en Woningtoezicht di ROP, Plasa Horacio Hoyer 19, tel.: 461-2199.

³⁾ Si akaso e akuerdo di hür di e tereno ta mas bieu ku 1 aña, mester entregá un **"verklaring van geen bezwaar"** por eskrito di Servisio pa Atministrashon i Maneho di Tereno Públiko (Domeinbeheer).

KASONAN PARTIKULAR

Kas di F.K.P.

Ta rekomendabel pa mapa di konstrukshon di kasnan ku ta propiedat di Fundashon Kas Popular (FKP) tin un **stèmpel di F.K.P.** E petishon pa pèrmit pa konstrukshon ta kompañá pa un **deklarashon di akuerdo** por eskrito di FKP.

Monumento protehá

Pa por drecha òf modifiká un monumento protehá mester tin tantu un pèrmit pa konstrukshon komo un **'monumentenvergunning'**.

Un **'monumentenvergunning'** ta tambe nesario pa por basha un monumento protehá abou.

Por entregá petishon pa tur dos e pèrmitnan aki simultáneamente.

Petishon pa un **'monumentenvergunning'** mester wòrdu entregá na Stichting Monumentenfonds, Scharlooweg 51.

Pa mas informashon tokante **'monumentenvergunning'** por tuma kontakto ku sekshon Monumentenbureau di ROP, Scharlooweg 51, Tel.: 465-4688.

Sentro di siudat

Tur plan di konstrukshon den sentro di siudat mester kuadra ku e stipulashonnan den artíkulo 4 di E.O.P., p'esei ta konsehabel pa laga sekshon Programma's en Projekten di DROV huzga e plan di konstrukshon for di den fase di diseño.

Sentro di siudat ta un área protehá. Esaki ta enserá ku pa basha un edifisio, ku no ta un monumento protehá abou, sea kompleto òf parsialmente, un **"sloopvergunning"** ta un eksigensia. Petishon pa **"sloopvergunning"** mester wòrdu entregá na DROV.

Tereno di Land

Pa por bini na remarke pa un pèrmit pa konstruí riba un tereno ku ta pertenesé na Land, mester entregá un **deklarashon di akuerdo** por eskrito di Departamento di Finansa huntu ku e petishon pa pèrmit pa konstrukshon.

Pa mas informashon por tuma kontakto ku sekshon Personeelszaken / Algemene Zaken di Departamento di Finansa, Pietermaai 17, Tel.: 4328000.

Nota

- Bouw- en Woningverordening 1935 ta duna DROV e derecho pa, na nòmber di Bestuurscollege, pidi informashon adishonal si esaki resultá nesesario durante tratamentu di un petishon di pèrmit pa konstrukshon
- Tratamentu di un petishon pa pèrmit pa konstrukshon ta dura mas o menos 4 siman, e periodo aki por bira mas largu dor di sirkunstansianan spesífiko
- Konstruí sin of no konforme pèrmit pa konstrukshon ta un delitu kastigabel pa kua Bo por wòrdu persigí pa ley.
art. 7, Bouw- en Woningverordening 1935